

ԹՈՒՄԱՆՅԱՆԻ ԵՆԹԱՇՐԶԱՆ

Ձբաղեցնում է Դեբեդ գետի միջին հոսանքը:

Միջնադարյան պատմամշակութային հուշարձաններով ամենահարուստն է ողջ Հայաստանում:

Կողմնորոշումը դյուրացնելու նպատակով վիմագիր արձանագրություններ ունեցող բնակավայրերը ներկայացվել են Ալավերդի-Սանահինից Դեբեդի աջ ափով մինչև Շնող, ծախով՝ ճոճկան-Կարմիր Աղեկ և ապա՝ Մարցի ծորահովիտը:

ԱԼԱՎԵՐԴԻ

Անցյալում զանազան անուններ կրող այս բնակավայրը հայտնի է նաև Մանից գոմ, Մաղան, իսկ XVII դարի սկզբից՝ մի ցեղապետի անունով՝ Ալահվերդի: Դեբեդի ծախսինյա կիրճերում ծվարած հնամենի այս գյուղը մեծապես տուժել է հատկապես 1795 թ. Աղա Մահմեդի սրընթաց արշավանքի ընթացքում. երբ ավերվել են պղնձագործության կենտրոնները, կոտորվել բնակչությունը, կոտորտվել-պղծվել հուշարձանները:

Քաղաքն աղքատ է հին հուշարձաններով: Բայց մեծ արժեք է ներկայացնում Սանահինի կամուրջը, որը կամարում է Դեբեդ գետը քաղաքի հարավային եզրում, դեպի Սանահին տանող կեռմանաշատ հնագույն ճանապարհի վրա: Ճարտարագիտական այս նշանավոր շինությունը կառուցել է Ջաքարյան եղբայրների քույր Վանենին՝ իր ամուսին Կյուրիկյան Աբաս թագավորի հիշատակին, պրոֆեսոր Կ. Ղաֆադարյանի կարծիքով 1192 թ. հետո, նույն տասնամյակում, կողակցի մահից ոչ շատ ուշ:

Սանահինի կամուրջը Հայկական լեռնաշխարհի կամրջաշինության փայլուն օրինակներից է: Միաթռիչք կառույցի աջ խելը հենված է բարձրադիր ամրակուռ ժայռին, իսկ ծախը՝ թեքադիր անցումով կառանված է հողե զանգվածին: Եվ, քանի որ այս թևում թեքությունը բավականին մեծ էր, ուստի այն հետագայում բարձրացվել է հողե լիցքով՝ ավտոմեքենաների երթևեկն ապահովելու համար՝ որպիսի միջոց կիրառվել է հատկապես Սյունիքում: Կամրջի եզրակողերով անցնում են քարակերտ բազրիքներ՝ վրան մեկնված պահպանիչ առյուծների բարձրաքանդակներով: Կամրջի ծախ անկյունում կանգնեցվել է խաչքար՝ այն կառուցելու վերաբերյալ արձանագրությամբ: Խաչքարը ջարդել են Աղա Մահմեդի հրոսակները 1795 թ.՝ անհետ կորստի մատնելով շատ կարևոր սկզբնամասը (այս մասին տեղեկացնում է Սանահինի Քոթուկում Հովսեփ արքեպ. Արղությանցի թողած գրությունը): Խաչքարի ներքին՝ մեծ մասն այժմ գտնվում է Սանահինի վանքում:

Սանահին տանող նոր ճանապարհի կառուցումից հետո հարկ եղավ հեռացնել արված լիցքը՝ վերաբացելով հուշարձանի իրական պատկերը: Այս ծեռնարկման շնորհիվ բացվեց նաև կամրջի վերանորոգման վերաբերյալ 1888 թ. արձանագրությունը, որը ներկայացվում է ստորև:

1. *ԽԱՉՔԱՐ*. Կամրջի մոտից տեղափոխված Սանահինի վանք, քիկունքին 12 տող.

... Դ Զ Գ Ի Ն Բ Ա -
Գ Ր Ա Տ Ո Ւ Ն Ե Ա Ց: Ե Ս՝ Կ Ա Ն -
Ե Ն Ի, Դ Ո Ւ Մ Տ Ր Ի Շ Խ Ա Ն Ա Ց Ի Շ -
Խ Ա Ն Ն Ս Ա Ր Գ Ս Ի, Ո Ր Դ Ո Զ Ա Բ Ա Ր -
Ե Ի, Կ Ի Ն Ա Բ Ա Ս Ա Թ Ա Գ Ա Մ Ո Ր Ի
Ո Ր Կ Ի Ս Ա Մ Ի Ր Ե Վ Ա Խ Տ Ա Ն Ե Ա Ն Խ Ա -
Խ Ա Ր Ե Ց Ո Յ Ց Զ Մ Ե Ձ, Շ Ի Ն Ե -
Ց Ի Զ Կ Ա Ս Ո Ւ Ր Զ Ս Ե Ի Կ Ա Ն Գ Ն Ե -
Ց Ի Զ Խ Ա Չ Ս Յ Ի Շ Ա Տ Ա Վ
Ն Ս Ա Ե Ի Մ Խ Ի Թ Ա Ր Ի Ն Չ, Ե Ի Ի Կ Ե -
Ա Ն Ս Ծ Ն Ո Ղ Ա Ց Ե Ի Ե Ղ Բ Ա Ր Ց
Ի Ս Ո Ց: Յ Ի Շ Ե Ց Ե Թ Ի Բ Ս 3 Ս:

Պատ. Զալալյանց, Ա, 38, «Արծազանք», 1884, 631, Չարու-
թյունյան, 309, Չալապատուն, 472, ՎՏ, 41, Սովսե-
սյան, 72-73, Մառ, ՄԲ, Թ. IV, 850. II, 1915, Օրբելի,
452, Ուղեգրություններ, 2, 41-42, Ղաֆաղարյան,
Սանահին, 185:

Ծանոթ. Խաչքարի վերնամասը կտրտված, կորած է, որի վրա եղել է արծանագրու-
թյան սկիզբը: Չարությունյանն այդ մասում կարդացել է *սուրբ տերունական*, որն անհա-
րիր է բնագրին: Զալալյանցը կորած մասը լրացրել է *կամաւն Աստուծոյ ես Նանա՛*
յազգէ բառաշարքով, որն ընդունվել է այլոց կողմից, բայց այն շտկել է դեռևս Մառը:
Հստակ և աներկմիտ է արծանագրության հաղորդումը. կամուրջը շինել է Վանենին՝
դուստր իշխանաց իշխան Սարգսի, որդոյ Զաքարէի, կին Աբասա թագաւորի: Նույնը
կրկնում է Գանձակեցին՝ Վանենուն կոչելով Նանա: Նա գրում է, որ Աբաս Կյուրիկյանը
«առնու իւր կին գղուստր Սարգսի բարեպաշտ իշխանի, որդւոյ Զաքարիայ, որդւոյ Վա-
րամայ, զքոյր մեծամեծ իշխանացն Զաքարէի և Իւանէի, Նանայ անուն»¹³: Զալալյանցը
խառնել-միացրել է արծանագրության և պատմիչի տեղեկությունները, կատարել է
հավելումներ, բացթողումներ, սրբագրումներ՝ գրեթե անճանաչելի դարձնելով բնագի-
րը: Նա ոչ միայն *Վանենին Նանա* է կարդացել, այլ նաև 6-րդ տողի *որ կիսաւրե վախ-*
ճանեալ-ը՝ որ վախճանեցաւ ի Կեսարիայ (այսինքն ոչ թե երիտասարդ հասակում է
մահացել, այլ Կեսարիա քաղաքում):

Նույնը կրկնել կամ ավելի են խճողել հետագա հրատարակիչները: Պրանք խնամքով
շտկել է Կ. Ղաֆաղարյանը, ճշտել կամրջի շինարարության ժամանակը՝ ելնելով այն
բանից, որ Աբասի մահը համարվում է 1192 թ.,¹⁴ իսկ կամուրջը Վանենին կառուցել է
նրա մահից անմիջապես հետո:

¹³ *Կիրակոս Գանձակեցի*, էջ 152:

¹⁴ *Սովսեսյան*, Լոռիի Կյուրիկյան թագավորության պատմությունը, Վիեննա, 1923, էջ 71:

2. ՍԱՆԱԳՆԻ ԿԱՍՈՒՐԶ. ծախակողմյան՝ հյուսիսային թևի վրա, ներսի կողմից, 7 տող.


ԹՎԻՆ ԳԼԱՅՈՑ ՈՅԼԷ (1888) ԿԱՍՐՁԻՍ ԶԱ-
ԽԱԿՈՂՍԵ ԼԱՆ ԽԱԽՏԵԼ ԶԻ-
ՄՔՆ ԵՒ ՈՐՄՈՒՆՔՆ ՎԵՐՍ-
ՏԻՆ ՆՈՐՈԳ ԵՑԱՆ ԻՍԿԱԴ-
ԿԱՆ ԱՐԴԵՐԱՄԲ ՍԼԱՆԱՂՆԵՑԻ
ԹԱՂԵՈՍ ՔԼԱՂԼԱՆԱՅԻ ԵՐՈՒԱՆ-
ԴԵՆՑ Ի ՅԼԻ ԵԼԱՍՏԼԱՎ ԻՐ ԾՆՈՂԼԱՑ:

ԹՎԻՆ ԳԼԱՅՈՑ ՈՅԼԷ (1888) ԿԱՍՐՁԻՍ ԶԱ-
ԽԱԿՈՂՍԵ ԼԱՆ ԽԱԽՏԵԼ ԶԻ-
ՄՔՆ ԵՒ ՈՐՄՈՒՆՔՆ ՎԵՐՍ-
ՏԻՆ ՆՈՐՈԳ ԵՑԱՆ ԻՍԿԱԴ-
ԿԱՆ ԱՐԴԵՐԱՄԲ ՍԼԱՆԱՂՆԵՑԻ
ԹԱՂԵՈՍ ՔԼԱՂԼԱՆԱՅԻ ԵՐՈՒԱՆ-
ԴԵՆՑ Ի ՅԼԻ ԵԼԱՍՏԼԱՎ ԻՐ ԾՆՈՂԼԱՑ:

Ծանոթ. Հյուսիսային՝ սղընթաց ցած իջնող խելը լցվել է հողով՝ տրանսպորտային շարժման նպատակով: Սանահին տանող նոր ճանապարհի գործարկումից հետո կամուրջը բերվել է իր նախկին տեսքին, որի ընթացքում էլ՝ 1977 թ. բացվել է այս՝ վերստին նորոգելու մասին արձանագրությունը:

Հայտնի է դառնում, որ կամուրջը նորոգվել է նաև անցյալում, 1888 թ. առաջ, բայց ե՞րբ, ի՞նչ պարագաներում՝ մնում է անհայտ, քանի որ այդ մասին գրավոր հիշատակություններ չեն հասել մեզ:

3. ԽԱՉՔԱՐ. Կարի ֆաբրիկայի պահեստի մեջ, խաչաթագի կողքերին 1 տող (XIII դ.).



ՄԲ ԱՄԵՆԱԹՐԿԻՉ:

Ծանոթ. Խաչքարը գուրկ է պաճուճանքից, կողքերի զույգ կիսասյուները կամարադեղով, հիշեցնում է Հաղբատի դպրոցը: Ակնախաչում «դրոշմված» է խաչ՝ իբրև վկայություն խաչելության, որի գաղափարի համալրումն է և թագավորությունը՝ խաչքարին վերապահելով Ամենափրկիչի գործառությունը՝ առանց խաչելության պատկերագրության:

ՍԱՆԱԳՆ

Նշանակալից բնակավայր է եղել դեռևս չորս հազար տարի առաջ: Տեղի դամբարաններից 1871 թ. Ա. Երիցյանի հայտնաբերած խիստ հազվադեպ ու յուրահատուկ խե-